

想修習靜慮如是靜慮能發賢聖廣大光明無漏無取無所依著是名菩薩出世靜慮大

甲胄輪善男子若菩薩摩訶薩成此靜慮大甲胄輪從初發心一切五欲皆能除斷得名

善薩摩訶薩也超勝一切聲聞獨覺普爲一切聲聞獨覺作大福田一切聲聞獨覺乘等皆應供養承事守護尔時世尊重顯此義而說頌曰

爲捨己重擔 修有所得定 求斷自煩惱
非真智者相 依器有所觀 求解脫修定
取著此彼岸 非利樂有情 為利樂有情
修定捨重擔 減一切煩惱 是真智者相

爲潤諸有情 修無依著定 求斷諸有愛
是名大慧者 為解諸有縛 令性無畏城

修行寂止定 是名摩訶薩

古

唐九

大乘大集地藏十輪經卷第九

梯登

上湯兮反下都部反一梯道也

堅吝

下良刃反亦云四取一欲

矯

居小瓦詳

也 四柅

二見三禁戒四我語

大乘大集地藏十輪經卷第十

唐

福田相品第七之二

大唐三藏法師 玄奘奉 詔譯

復次善男子菩薩摩訶薩復有般若大甲胄輪若菩薩摩訶薩成就此輪從初發心一切五欲皆能除斷超勝一切聲聞獨覺普爲一

切聲聞獨覺作大福田一切聲聞獨覺乘等皆應供養承事守護云何般若大甲胄輪善男子菩薩般若有二種相一者世間二者出世間云何菩薩世間般若謂諸菩薩唯依讀誦書寫聽聞爲他演說三乘正法欲求除滅一切衆生無明黑暗欲求發起一切衆生大

慧光明謂於如來所說種種與聲聞乘相應正法精勤讀誦聽聞書寫爲他演說勸正修行或於如來所說種種與無上乘相應心正法精勤讀誦聽聞書寫爲他演說勸正修行不求賢

聖無漏道支不求聖道不求聖道所攝解脫不行寂靜真實般若常行有見有相般若如是般若有取有著是名菩薩世間般若如是般若共諸聲聞獨覺乘等此不名爲大甲冑輪亦不由此名爲菩薩摩訶薩也及名一切聲聞獨覺真實福田云何菩薩山出世般若請

諸菩薩精勤修習菩提道時隨力讀誦聽聞書寫爲他演說三乘正法而於其中依無所得方便而住無所行動無所思惟無有根本以如虛空心並寂滅心無增減慧無取著心無生滅心無退轉心法平等心真如心實際心法界心無我心無分別心寂滅安忍離分別心善巧安住無成壞地善巧安住無住無著勝妙慧地如是般若無取無著是名菩薩出世般若大甲冑輪善男子若菩薩摩訶薩成此般若大甲冑輪從初發心一切五欲皆能除斷得名菩薩摩訶薩也超勝一切聲聞獨覺普爲一切聲聞獨覺作大福田一切聲

聞獨覺乘等皆應供養承事守護

復次善男子菩薩摩訶薩復有善巧方便大甲冑輪若菩薩摩訶薩成就此輪從初發心一切五欲皆能除斷超勝一切聲聞獨覺普爲一切聲聞獨覺作大福田一切聲聞獨覺乘等皆應供養承事守護云何名爲善巧方便

便大甲冑輪善男子菩薩善巧方便有二種相一者出間二者出世間云何名爲菩薩出間善巧方便謂諸菩薩或爲自利或爲他利或爲俱利常懷彼此示現種種工巧技術爲自及他得成熟故承事供養諸佛世尊或諸菩薩或諸獨覺或諸聲聞或母或父或諸病者或諸羸劣無依怙者若見厄難臨被害者種種勤苦方便救濟以四攝事成熟有情是諸菩薩自住大乘於諸聲聞及獨覺乘非大乘器若諸聲聞及獨覺乘根未孰者爲說微妙甚深法教令其修學或勸勤修諸聖靜慮或爲開示最勝義諦勸令修行超四顛倒覺

悟四種無障法性或令趣入四無礙解或復乃至勸令安住四念住四正斷四神足五根五力七等覺支八聖道支有餘無餘道及道果趣入巧智令其成熟若諸有情貪求名稱利養富貴諸根躁擾善根未熟勸令讀誦諸阿笈摩及毗柰耶阿毗達磨或勸讀誦除佛

所說順解脫論令其成熟若諸有情不樂布施勸令惠捨種種珍財令其成熟若諸有情暴惡不仁勸令修學四種梵住若諸有情心多忿恚勸令修忍若諸有情心多懈怠勸修精進若諸有情心多散亂勸修靜慮若諸有情具足惡慧爲說正法謂以記說教誡方便

三

令其成熟若諸有情不敬三寶具無依行勸受三歸令敬三寶或勸受學近事律儀或勸受學近住律儀令其成熟或勸修習種種工巧技術業處令其成熟如是等菩薩摩訶薩種種世間巧方便智過豌伽沙菩薩摩訶薩以是一切書論工巧技術業處加行精進巧

方便智摧伏一切外道異學如是名爲菩薩世間善巧方便此巧方便共諸聲聞獨覺乘等亦作一切佛法依因亦是善巧諸行依處亦是善巧任運無思滅退墮法又善男子若諸菩薩不依明師不依善友修行世間善巧方便是諸菩薩愚於世間善巧方便向諸惡趣不能隨順安住出世巧方便智亦非一切真實福田不能善巧知諸有情根行差別以於善巧方便愚故爲諸聲聞及獨覺乘非大乘器及於大乘根未熟者宣說大乘令其修學又爲大乘法器有情宣說聲聞獨覺乘法令修聲聞獨覺乘行爲獨覺乘法器有情說聲聞乘令其修習聲聞乘行爲聲聞乘法器有情說生死法令其愛著不爲宣說獸生死法又於善巧方便愚故若諸有情樂行殺生廣說乃至執著邪見爲彼宣說甚深大乘不爲宣說生死流轉死此生彼衆苦果報令其獸怖離諸惡法又於善巧方便愚故乃至若

諸有情樂修淨戒令修布施若諸有情樂修安忍勸捨安忍令修淨戒若諸有情樂修精進勸捨精進令修安忍若諸有情樂修靜慮勸捨靜慮令修精進若諸有情樂修般若勸捨般若令修靜慮如是菩薩愚於世間善巧方便不能真實利樂有情與諸有情爲惡知

識此巧方便依有所得有所執著如是名爲菩薩世間善巧方便如是世間善巧方便共諸聲聞獨覺乘等此不名爲大甲胄輪亦不由此名爲菩薩摩訶薩也及名一切聲聞獨覺真寶福田云何名爲菩薩出世善巧謂諸菩薩但爲利他不爲自利不現種種工

唐十

四

巧技術爲成熟他承事供養諸佛世尊或諸菩薩或諸獨覺或諸聲聞或母或父或諸病者或諸羸劣無依怙者若見厄難臨被害者種種勤苦方便救濟以四攝事成熟有情隨其意樂隨其根器爲諸有情宣說正法又能漸次勸諸聲聞修獨覺乘勸諸獨覺修習大

乘若於聲聞及獨覺乘根未熟者爲說厭離生死苦法令其修學厭離生死欣求涅槃若諸有情樂行殺生廣說乃至執著邪見隨其根性或爲宣說生死流轉死此生彼衆苦果報令其厭怖離諸惡法或爲宣說與聲聞乘相應正法或爲宣說與獨覺乘相應正法或爲宣說無上乘中淺近之法令漸修學若諸有情已樂布施爲說勝上受持淨戒令其修學廣說乃至若諸有情已樂靜慮爲說勝上無漏聖道所攝般若令其修學此巧方便依無所得無所執著如是名爲菩薩出世善巧方便大甲胄輪善男子若菩薩摩訶薩成就如是善巧方便大甲胄輪從初發心一切五欲皆能除斷得名菩薩摩訶薩也超勝一切聲聞獨覺普爲一切聲聞獨覺作大福田一切聲聞獨覺乘等比應供養承事守護余時世尊重顯此義而說頌曰

所修慧有二 出世間 出世間 取著名出世間

唐十

五

山

無取著出出 修善巧方便 依二種差別
 有所得出間 無所得出世 若唯說一乘
 是名惡說法 不能自成熟 亦不能度他
 一向惡衆生 爲說三乘教 是則爲愚癡
 不名摩訶薩 有堪趣三乘 欣求聞正法
 爲說樂生死 非爲智者相 專意諦思惟
 隨根欲教化 此善巧方便 智者所稱譽
 衆生雖有惡 而堪入三乘 隨根器教導
 令解脫衆惡

復次善男子菩薩摩訶薩復有大慈大甲胄
 輪若菩薩摩訶薩成就此輪從初發心一切
 五欲皆能除斷超勝一切聲聞獨覺普爲一
 切聲聞獨覺作大福田一切聲聞獨覺乘等
 皆應供養承事守護云何大慈大甲胄輪善
 男子慈有二種謂法緣慈有情緣慈法緣慈
 者名爲大慈名大甲胄有情緣慈不名大慈
 非大甲胄所以者何有情緣慈共諸聲聞獨
 覺乘等聲聞獨覺爲自利樂不爲有情精勤

修習有情緣慈聲聞獨覺爲自寂靜爲自涅槃爲滅自惑爲滅自結不爲有情精勤修習
 有情緣慈不共聲聞獨覺乘等唯諸菩薩摩訶
 薩衆所能修行菩薩摩訶薩普爲利樂一切
 有情精勤修習此法緣慈菩薩摩訶薩普爲
 一切有情寂靜及得涅槃滅煩惱結精勤修
 習此法緣慈是故此慈名爲大慈是大甲胄
 又諸菩薩修法緣慈不依諸蘊不依諸處不
 依諸界不依念住乃至不依道支不依欲界
 不依色界不依無色界不依此世不依他世
 不依此岸不依彼岸不依得不依不得如是
 菩薩修法緣慈超諸聲聞獨覺乘地是名菩
 薩法緣大慈大甲胄輪善男子若菩薩摩訶
 薩成此大慈大甲胄輪從初發心一切五欲
 皆能除斷得名菩薩摩訶薩也超勝一切聲
 聞獨覺普爲一切聲聞獨覺作大福田一切
 聲聞獨覺乘等皆應供養承事守護尔時世

尊重顯此義而說頌曰
聲聞及獨覺 修有情緣慈 心帶十三過
唯求自利樂 菩薩大名稱 普爲諸有情
修不共大慈 心離十三過 心除十三垢
爲趣大菩提 修法緣大慈 成福田非遠
安住十三力 出過諸有情 猶如師子王
超勝諸禽獸 降伏十三怨 離斷常邊執
心無有染濁 速證大菩提

復次善男子菩薩摩訶薩復有大悲大甲胄
輪若菩薩摩訶薩成就此輪從初發心一切
五欲皆能除斷超勝一切聲聞獨覺普爲一
切聲聞獨覺作大福田一切聲聞獨覺乘等
皆應供養承事守護所以者何一切聲聞獨
覺乘等但爲己身得利樂故而修行悲不欲
普爲一切有情得利樂故修行大悲菩薩摩
訶薩不爲己身得利樂故而修行悲但欲普
爲一切有情得利樂故修行大悲是故菩薩
成就大悲大甲胄輪超勝一切聲聞獨覺普

爲一切聲聞獨覺作大福田一切聲聞獨覺
乘等皆應供養承事守護是菩薩摩訶薩普
爲饒益諸有情故行四攝事而成熟之謂由
大悲普爲利樂諸有情故行布施攝能捨一
切珍寶財物禽獸僕使國城妻子乃至身命
無所惜行無所得爲方便故不見一切所
事十化有情不見施者不見受者不見施物不見
施行不見施行所得果報乃至不見無所得
行如是大悲普爲利樂諸有情故行愛語攝
行利行攝行同事攝隨其所應如上廣說乃
至不見無所得行是菩薩摩訶薩常以最勝
能調伏心能寂靜心無數量心不行一切蘊
處界心所生無動無住大悲大甲胄輪成熟
一切所化有情心無厭倦如是名爲菩薩大
悲大甲胄輪不共一切聲聞獨覺善男子若
菩薩摩訶薩成此大悲大甲胄輪從初發心
一切五欲皆能除斷得名菩薩摩訶薩也超
勝一切聲聞獨覺普爲一切聲聞獨覺作大

福田一切聲聞獨覺乘等皆應供養承事守護余時世尊重顯此義而說頌曰

甚深微妙法 所成之大悲 難測類虛空無色無安住 菩薩大精進 具杜多功德勝智成大悲 勇健超諸世 無依怙有情生死苦穢縛 大悲水沐浴 令解脫衆苦

菩薩行大悲 能竭生死海 非諸聲聞衆及獨覺所行 衆生貪恚癡 迷謬墮惡趣濯以大悲水 脱苦得蕭然

復次善男子菩薩摩訶薩復有能引偏滿虛空無量無邊廣大衆具辭無礙解一切佛法諸三摩地諸陀羅尼堅固大忍大甲胄論若

菩薩摩訶薩成就此輪從初發心一切五欲皆能除斷超勝一切聲聞獨覺普爲一切聲聞獨覺作大福田一切聲聞獨覺乘等皆應供養承事守護云何菩薩摩訶薩能引偏滿虛空無量無邊廣大衆具辭無礙解一切佛法諸三摩地諸陀羅尼堅固大忍大甲胄輪

謂諸菩薩於一切法審諦照察如明月光徧滿虛空其心平等無依無相無住無染普於一切三摩地門陀羅尼門心無行動於諸眼色眼識眼觸離意染著心無行動於眼觸緣生內三受或樂或苦或非苦樂心常寂定無所取著於諸耳聲耳識耳觸於諸鼻香鼻識

喜十

八

臘觸於諸舌味舌識舌觸於諸身觸身識身觸於諸意法意識意觸廣說亦余普於一切心意識中心常寂定無所取著於心意識所生三受或樂或苦或非苦樂心常寂定無所取著普於三世諸蘊界處一切品類皆無取著心無行動普於一切三界三行三觸三受三根三乘三律儀三解脫一切品類其心寂靜無住無相無所取著平等而住普於一切布施淨戒安忍精進靜慮般若波羅蜜多心無行動寂靜而住如是普於四念住四正斷四神足五根五力七等覺支八聖道支心無行動寂靜而住普於一切九次第定心無行

動寂靜而住又於三行無障法智道支道體
所引作用皆無取著心無行動於阿賴耶非
何賴耶有取無取有漏無漏此岸彼岸小大
無量作與不作善惡無記諸品類中心無行
動寂靜而住普於一切大慈大悲善巧方便
成熟有情乃至十地三不護四無所畏乃至

十八不共佛法一切品類皆無取著心無行
動寂靜而住菩薩摩訶薩由此輪故能永息
除三受過失能永寂滅一切分別能永遠離
一切法相復能安住能引一切虛空眼頂諸
三摩地諸陀羅尼善巧方便大甲胄輪菩薩
安住如是輪故一切過去所引未盡惡不善

業無暇惡趣諸有諸趣死生諸業皆能除滅

令盡無餘不受果報又善男子譬如世界火
灾將起五日出時一切世間小池大池小河
大河小海大海水皆枯竭滅盡無餘如是菩
薩成就能引偏滿虛空無量無邊廣大衆具
辭無礙解一切佛法諸三摩地諸陀羅尼堅

固大忍大甲胄輪復能安住能引一切虛空
眼頂諸三摩地諸陀羅尼善巧方便大甲胄
輪一切過去所引未盡惡不善業無暇惡趣
諸有諸趣死生諸業皆能除滅令盡無餘不
受果報又善男子譬如世界水災起時於此
三千大千世界諸小世界各四大洲八萬小
諸妙高山王及諸山等皆爲災水浸潤消盡
令無有餘如是菩薩成就能引偏滿虛空無
量無邊廣大衆具辭無礙解一切佛法諸三
摩地諸陀羅尼堅固大忍大甲胄輪復能安
住能引一切虛空眼頂諸三摩地諸陀羅尼
善巧方便大甲胄輪一切過去所引未盡惡
不善業無暇惡趣諸有諸趣死生諸業皆能
除滅令盡無餘不受果報又善男子譬如黑
暗偏滿虛空朗日出時皆能除滅如是菩薩
成就能引偏滿虛空無量無邊廣大衆具辭
無礙解一切佛法諸三摩地諸陀羅尼堅固
大忍大甲胄輪復能安住能引一切虛空眼

頂諸三摩地諸陀羅尼善巧方便大甲胄輪發起無邊虛空智日能永除滅自身四倒無明黑暗一切過去所引未盡惡不善業無暇惡趣諸有諸趣死生諸業皆能除滅令盡無餘不受果報又由此故於諸佛法增進自在常無退轉不復隨順惡友力行常得不離見

一切佛及諸菩薩聲聞弟子不離聞法不離親近供養衆僧於諸功德心常無厭乃至菩提恒無間斷又常不離念佛思惟乃至夢中亦無暫廢又善男子云何菩薩摩訶薩能引編滿虛空無量無邊廣大衆具辭無礙解一切佛法諸三摩地諸陀羅尼堅固大忍大甲

唐
十一

十

卷

胄輪謂諸菩薩入初靜慮乃至第四靜慮入無邊虛空處乃至非想非非想處入滅受想定住此定中一切三受三行斷滅心無行動諸受想思觸作意等悉皆斷滅安住此定或一日夜或復乃至七七日夜受定味食生此定起其心寂靜無所取著宴然而住復入勝

唐
十一

十一

信

義究竟空定住此定中其心平等無所取著猶若虛空身諸毛孔皆出霜液狀如昴星滅除一切鬱蒸結縛從此定起得正憶念最勝喜樂充徧其身如大自在天子入現一切樂定身諸毛孔皆徧受樂如是菩薩樂觸其身便思念佛思念佛故則唯見佛不見餘相菩薩尔時若念一佛則見一佛若念多佛則見多佛若念小身佛則見小身佛若念大身佛則見大身佛若念無量身佛則見無量身佛若念自身爲佛身相則見自身同於佛身衆相圓滿若念他身爲佛身相則見他身同於佛身衆相圓滿若念一切情非情數所有色像爲佛身相則見一切情非情數所有色像皆同佛身衆相圓滿不見其餘一切色像菩薩尔時便作是念一切諸法一切色像皆如幻等諦實不虛我今復應皆悉斷滅一切三受三行等法令無有餘作是念已入滅盡定住此定中如心所期皆盡斷滅受定味食或

一七日夜或二七日夜或三四五六七八九十七日夜或經無量百千俱胝那庾多劫隨力所能安住此定受定味食從此定起其心寂靜無所取著宴然而住復入勝義究竟空定廣說如前乃至思念佛身相已知一切法一切色像皆如幻等諦實不虛善男子是名

菩薩摩訶薩能引徧滿虛空無量無邊廣大衆具解無礙解一切佛法諸三摩地諸陀羅尼堅固大忍大甲胄輪菩薩摩訶薩成就此輪則能安住能引一切虛空眼頂諸三摩地諸陀羅尼善巧方便大甲胄輪住此輪故發起無邊虛空智日能永除滅自身四倒無明黑暗一切過去所引未盡惡不善業無暇惡趣諸有諸趣死生諸業皆能除滅令盡無餘不受果報善男子若菩薩摩訶薩成就此輪從初發心一切五欲皆能除斷超勝一切聲聞獨覺普為一切聲聞獨覺作大福田一切聲聞獨覺乘等皆應供養承事守護由此輪

故於諸佛法增進自在常無退轉不復隨順惡友力行常得不離見一切佛及諸菩薩聲聞弟子不離聞法不離親近供養衆僧於諸功德心常無厭乃至菩提恒無間斷又常不離念佛思惟乃至夢中亦不暫廢如是菩薩福德智慧速疾圓滿不久安住清淨佛國證

得無上正等菩提於彼佛國一切有情皆受化生色相如佛煩惱微薄皆住大乘爾時世尊重顯此義而說頌曰

欲成諸法器 斷一切煩惱 常趣入真空
衆事無難作 爲斷諸有縛 當勤修等持
功德定相應 必獲難思慧 修靜慮無色
滅定真空觀 起念佛勝智 能盡一切惡
有無一切法 破以真空觀 求離諸惡趣
常得見諸佛 善修真空觀 勸學諸善法
供養一切佛 速當成佛果 為有情親友
滅除煩惱病 速往淨佛國 證得太菩提
徧滿於佛土 皆趣求佛乘

唐
十一

主

信

離聲聞獨覺

大乘大集地藏十輪經獲益囑累品第八

佛說如是大法門時於衆會中有跋陀沙等菩薩摩訶薩過去父習念佛思惟今聞世尊所說念佛修觀方便皆得念佛三摩地門復有無量無邊衆生聞是法已皆得一切定命

華鬘陀羅尼門復有無量無邊衆生聞佛所說皆得一切首楞伽摩電光依止陀羅尼門復有無量無邊衆生聞佛所說皆得一切法自在轉光明依止順忍復有無量無邊衆生聞佛所說遠塵離垢於諸法中生淨法眼得預流果復有無量無邊衆生聞佛所說得一來果復有無量無邊衆生聞佛所說得不還果復有無量無邊衆生聞佛所說皆得最上阿羅漢果復有無量無邊衆生聞佛所說心求出離三界牢獄依佛出家趣入正法復有無量無邊衆生聞佛所說盡壽安住十善業道依聲聞乘發心不退復有無量無邊衆生

聞佛所說盡壽安住十善業道依獨覺乘發心不退復有無量無邊衆生聞佛所說盡壽安住十善業道依大乘中發阿耨多羅三藐三菩提心不復退轉復有無量無邊衆生聞佛所說得出正見由此正見除滅一切往惡趣因煩惱惡業增長一切向善趣因正願善業復有無量無邊衆生聞佛所說皆受三歸安住近事近住淨戒樂供養佛樂聽聞法樂奉事僧晝夜精勤曾無懈廢復有無量無邊衆生聞佛所說遠離一切邪趣邪歸惡意惡業於佛法中得決定信棄捨家法清淨出家余時世尊告虛空藏菩薩摩訶薩言善男子

吾今持此地藏十輪大記法門付囑汝手汝當受持廣令流布若諸衆生於此法門有能讀誦思惟其義爲他解說住正行者汝當爲彼守護十法令於長夜利益安樂何等爲十者爲彼守護一切財位令無損乏二者爲彼守護一切怨敵令不侵害三者爲彼守護

令捨一切邪見邪歸十惡業道四者爲彼守
護令免一切身語謫罰五者爲彼守護遮斷
一切謗毀輕弄六者爲彼守護令於一切軌
範戶羅皆得無犯七者爲彼守護令悉除滅
一切非人四大乖反非時老病八者爲彼守
護不遭一切非時非理灾橫夭歿九者爲彼
守護命欲終時得見一切諸佛色像十者爲

彼守護令其終後往生善趣利益安樂善男
子若諸有情於此法門有能讀誦思惟其義
爲他解說住正行者汝當爲彼勤加守護如
是十法令於長夜利益安樂時虛空藏菩薩
摩訶薩白佛言唯然世尊我當受持如是法
門廣令流布若諸有情於此法門有能讀誦
思惟其義爲他解說住正行者我當爲彼守
護十法令於長夜利益安樂時薄伽梵說是
經已於衆會中虛空藏菩薩摩訶薩地藏菩
薩摩訶薩金剛藏菩薩摩訶薩好疑問菩薩
摩訶薩天藏大梵等及諸天龍藥叉健達縛

阿素洛揭路茶緊捺洛莫呼洛伽人非人等
一切大衆聞佛所說皆大歡喜信受奉行

大乘大集地藏十輪經卷第十

唐
十四末

阿笈下其業反濯洗一音濁宴坐上於見反安也霜液音亦昂
星上音外楞伽上郎登反軌範上俱水音犯